



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-072-4/25**

Datum: **23.05.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica JP «KOMUNALNO» d.o.o. Breza za donošenje rješenja o vodnoj dozvoli za privremeno ispuštanje komunalnih otpadnih voda u prirodni recipijent iz urbanog područja općine Breza, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu JP «KOMUNALNO» d.o.o. Breza za privremeno ispuštanje komunalnih otpadnih voda iz urbanog područja općine Breza, putem javnog kanalizacionog sistema, u rijeku Stavnju. Ova dozvola se odnosi na ukupno tri identificirana ispusta u nadležnosti podnosioca zahtjeva i to:
 - kolektor «Jasike» sa ispustom u rijeku Stavnju u ulici Destijanska,
 - kolektor «Smrekovica» sa ispustom u rijeku Stavnju kod olimpijskog bazena i
 - kolektor «Sutješćica» sa ispustom u rijeku Stavnju u blizini naselja Bate.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokalitetima ispusta i uz sljedeće uslove:
 - 2.1. Da se objekti koji čine javni kanalizacioni sistem općine Breza održavaju u ispravnom i funkcionalnom stanju u skladu sa njihovom namjenom i ovim Rješenjem a prema Odluci o odvodnji i prečišćavanju otpadnih voda na području općine Breza («Službeni glasnik Općine Breza», broj 3/19).
 - 2.2. Da se permanentno radi na razdvajanju postojećeg mješovitog sistema odvodnje otpadnih voda u skladu sa urađenom projektnom dokumentacijom, te da se prilikom izgradnje nove kanalizacione mreže projektuje i izvodi isključivo separadni sistem odvodnje.
 - 2.3. Da se redovno vrši snimanje, izrada katastra kanalizacionog sistema i kontrola stanja postojeće kanalizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrovati i što hitnije poduzeti aktivnosti da se isti priključe na postojeće gradske kolektore.
 - 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanalizacionu mrežu.
 - 2.5. Da se obezbijedi nesmetan pristup i redovno vrši održavanje obale i korita rijeke Stavnje na mjestu ispusta komunalnih otpadnih voda iz glavnih gradskih kolektora.
 - 2.6. Da se, od korisnika prilikom izdavanja odobrenja za priključak na gradsku kanalizacionu mrežu, zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.7. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.8. Da se, za vrijeme trajanja ove dozvole, vrši monitoring otpadnih voda na ispustu glavnog gradskog kolektora definisanog tačkom 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

3. Vlasnik, odnosno korisnik objekta je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan voditi propisane evidencije te nadležnim organima dostavljati propisane obrasce (Obrazac EBS) uz redovno dostavljanje obrasca IV – Mjesečni izvještaj o količini isporučene vode i obračunu EBS-a te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za zaštitu voda.
4. Ispuštanje otpadnih voda u rijeku Stavnju ne smije ugrožavati postojeći hemijski i ekološki status recipijenta.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
6. U periodu važenja ove dozvole, Korisnik je dužan provoditi sve mjere i aktivnosti propisane istom.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima kanalizacionog sistema i mjestu ispusta obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, JP «KOMUNALNO» d.o.o. Breza, dana 18.02.2025. godine podnesen je ovaj Agenciji zahtjev za izdavanje vodne dozvole za privremeno ispuštanje komunalnih otpadnih voda iz urbanog područja općine Breza putem javnog kanalizacionog sistema u rijeku Stavnju na tri mjesta ispusta. U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-002957 izdatog dana 01.10.2024. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 18.04.2014. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-1620-2/14 izdatog dana 11.03.2014. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-I/25-3-40-635-4/19 izdatog dana 10.02.2020. godine od strane «Agencije za vodno područje rijeke Save» Sarajevo,
- Kopija Odluke broj: 01/1-02-574/19 o odvodnji i prečišćavanju otpadnih voda na području općine Breza usvojenoj dana 27.03.2019. godine na sjednici Općinskog vijeća Breza («Službeni glasnik Općine Breza», broj 3/19),
- Kopija Izvještaja o monitoringu komunalnih otpadnih voda broj: 622/20, april 2020. godine urađen od strane «Inspekt - RGH» d.o.o. Sarajevo (izvještaj urađen za ispuste komunalnih otpadnih voda u rijeku Stavnju na tri mjesta ispusta),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnih ispusta komunalnih otpadnih voda u rijeku Stavnju na tri identificirana lokaliteta na području općine Breza i tom prilikom je sačinjen Zapisnik o uviđaju broj: UP-1/21-3-40-072-3/25 od 14.05.2025. godine. Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Sire urbano područje općine Breza pokriveno je mješovitim sistemom kanalizacije sa ispustom, bez prethodnog tretmana, u rijeku Stavnju na tri mjesta ispusta:

- kolektor «Jasike» sa ispustom u rijeku Stavnju u ulici Destijanska (na ovaj kolektor su priključena domaćinstva i privredni subjekti naselja Banjevac; kolektor prolazi ulicom Salke Bešlagića, presijeca ulicu Alije Izetbegovića a zatim prolazi ulicom Destijanska do ispusta),
- kolektor «Smrekovica» sa ispustom u rijeku Stavnju kod olimpijskog bazena (na ovaj kolektor su priključena domaćinstva i privredni subjekti naselja Smrekovica; kolektor prolazi ulicom Tičija, presijeca ulicu Alije Izetbegovića kod Doma zdravlja a potom preko platoa kod olimpijskog bazena završava ispustom),
- kolektor «Sutješćica» sa ispustom u rijeku Stavnju u blizini naselja Bate (na ovaj kolektor su priključena domaćinstva i privredni subjekti naselja Sutješćica; kolektor presijeca ulicu Ismeta Sarića i ulicu Alije Izetbegovića a zatim prolazi kroz naselje Bate do ispusta).

Na kanalizacioni sistem kojim upravlja JP «KOMUNALNO» d.o.o. Breza, priključeno je oko 1.500 domaćinstava i privrednih subjekata urbanog područja općine Breza. Ostalih oko 4.000 domaćinstava na području općine Breza nije priključeno na javni kanalizacioni sistem.

Za predmetnu aktivnost - privremeno ispuštanje komunalnih otpadnih voda iz urbanog područja općine Breza putem javnog kanalizacionog sistema u rijeku Stavnju na tri mjesta ispusta ranije je od ove Agencije ishodovano Rješenje o vodnoj dozvoli broj: UP-I/25-3-40-635-4/19 od 10.02.2020. godine. U toku uviđaja utvrđeno je nije bilo izmjena u odnosu na navedenu vodnu dozvolu.

Monitoring otpadnih voda se vršio u aprilu 2020. godine od strane ovlaštene laboratorije «Inspekt RGH» d.o.o. Sarajevo na 3 mjesta ispusta (na uvid dostavljeni Izvještaji o monitoringu komunalnih otpadnih voda).

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnom lokalitetu ispusta otpadnih voda u rijeku Stavnju a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva JP «KOMUNALNO» d.o.o. Breza, ispunio minimum uslova za dobivanje vodne dozvole za privremeno ispuštanje komunalnih otpadnih voda iz urbanog područja općine Breza putem javnog kanalizacionog sistema u rijeku Stavnju na ukupno tri mjesta ispusta, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-072-4/25 od 09.05.2025. godine.

Podnosilac zahtjeva je uplatio upravnu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JP «KOMUNALNO» d.o.o. Breza
ul. ZAVNOBiH-a br 6, 71370 Breza
- ⊖ AVP Sava, ISV – Vodna knjiga
 - Sektor 50
 - Sektor 40 - arhiva
 - Oglasna ploča - AVP Sava